

Edizioni

- letto 1313 volte

Pattison

I.

Una chansoneta fera
voluntiers laner? a dir;
don tem que m?er a murir
e far l?ai tal que sen sela.
Ben la poira leu entendre
si tot s?es en aital rima;
li mot seran descubert
al quec de razon deviza.

II.

Bo·m sap car tan m?apodera
mos cor que non puesc sufrir
de mon talan descobrir;
c?ades puech a plena vela
(qui que vey a joy dissendre)
per que no·y puesc nulh?escrima
trobar, ans m?ai trop suffert
de far parer ma conquiza.

III.

Pus ma dona m?es tan vera
(trop miels qu?ieu no·il sai grazir)
s?ieu quier als, tostems m?azir!
Dieus en ira·m met? ab ela
o·m fassa que be·m tanh pendre
per la gola d?una sima:
pro m?a dat sol lieys no pert;
Dieus m?a pagat a ma guiza.

IV.

Ben saup lo mel de la cera
triar, e·l miels devezir
lo jorn que·m fes lieys ayzir;
pus, cazen clardat d?estela,
sa par no·s fay ad contendre

beutatz d'otra, si be·s lima,
ni aya cor tan asert
de be s'aribar en Piza.

V.

Domna, can mi colc al sera,
la nueyt (e tot jorn) cossir
co·us pogues en grat servir:
cant ieu·m pes, qui·m fer ni·m pela
no·m pot far en als entendre;
mos cors de gaug salh e guima,
tan ay en vos mon cor sert
e ma voluntat assiza.

VI.

Domna, si no·us alezera
mos cors, lay on yeu dezir,
res plus tost no·m pot aucir;
si·m tarza, pensatz de tela
al cor c'om no·s pot defendre!
Que·l vida m'es aytan prima
soven ay gaug e m'espert
e·m pes: ?Mala l'ai conquiza!?

VII.

Doncx c'ay fag tan long?espera
que aysi·m degues murir?
Mas un iorn m'es vis que·m tir
un an. Lo pretz d'una mela
non tenc si no·m pot car vendre!
Dreitz! Per que mos cors m'ensima
c'ades m'estai l'uelh ubert
vas sela part on l'ay viza?

VIII.

Deu prec tan de mort m'escrima
donna, e m'aia suffert
tro qu'ie·us embras ses chamiza.

IX.

Qui trob? amor ses escrima
ja non deu planher si pert
domna qu'es vayra e griza.

- letto 926 volte